

ხელშეკრულება №
სახელმწიფო შესყიდვის შესახებ

(ხელშეკრულების პირობები შეიძლება შეიცვალოს ან/და დაზუსტდეს ხელშეკრულების გაფორმების ეტაპზე)

ქ. ბათუმი

“ “ ” 2019 წ.

ერთის მხრივ, **სსიპ ბათუმის სახელმწიფო მუსიკალური ცენტრი** (შემდგომში „შემსყიდველი“), წარმოდგენილი -----
----- სახით და მეორეს მხრივ----- (შემდგომში „მიმწოდებელი“), წარმოდგენილი ----- სახით,
ორივე ერთად წოდებული როგორც „მხარეები“ ვმოქმედებთ, რა საქართველოში მოქმედი კანონმდებლობისა და
მიმწოდებლის სატენდერო წინადადების საფუძველზე, NAT ელექტრონული ტენდერის ჩატარების შედეგად
ვდებთ წინამდებარე ხელშეკრულებას:
სახელმწიფო შესყიდვის შესახებ ხელშეკრულებას (შემდგომში – ხელშეკრულება) შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1. სსიპ ბათუმის სახელმწიფო მუსიკალური ცენტრის ბალანსზე რიცხული შენობის (მდებარე ქალაქი ბათუმი, ოდისეი დიმიტრიადის ქუჩა №1-ში) შშმ პირებისათვის ადაპტირების მიზნით სამშენებლო-სამონტაჟო და სარემონტო სამუშაოების (CPV- 45400000) სახელმწიფო შესყიდვა არსებული საპროექტო-სახარჯთაღრიცხვო დოკუმენტაციის შესაბამისად.

მუხლი 3. ხელშეკრულების ღირებულება

- 3.1. ხელშეკრულების ღირებულება შეადგენს ----- ლარს.
- 3.2. ხელშეკრულებით გათვალისწინებული შესყიდვის ობიექტის ერთეულის ფასი:
- 3.3. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს (ტრანსპორტირების ხარჯების ჩათვლით) და საქართველოს კანონმდებლობით გათვალისწინებულ ყველა სახის გადასახადს, ასევე საფასურისა და მოსაკრებლის ღირებულებას ასეთი ვალდებულების არსებობის შემთხვევაში.

4. შესყიდვის ობიექტის მიწოდების ვადა და ადგილი

- 4.1. ხელშეკრულებით გათვალისწინებული შესყიდვის ობიექტის მიწოდება უნდა განხორციელდეს ხელშეკრულების გაფორმების დღიდან **150 კალენდარული დღის ვადაში**.
- 4.2. მიმწოდებლის მიერ შესყიდვის ობიექტის მიწოდება უნდა განხორციელდეს შემდეგ მისამართზე: **ქალაქი ბათუმი, ოდისეი დიმიტრიადის ქუჩა №1.**

5. მხარეთა ვალდებულებები

5.1. „მიმწოდებელი“ ვალდებულია:

- 5.1.1. სამუშაოები შეასრულოს წინამდებარე ხელშეკრულების, სატენდერო და საპროექტო დოკუმენტაციების შესაბამისად;
- 5.1.2. სამუშაოების განხორციელებისას გამოიყენოს მხოლოდ უმაღლესი ხარისხის მასალები, მათი ფერი, ფორმა და ხარისხი, ასევე მოწყობილობები და დანადგარები მიმწოდებელმა წინასწარ უნდა შეუთანხმოს შემსყიდველს; ყველა გამოყენებული მასალა და მოწყობილობა უნდა შეესაბამებოდეს ამ სფეროში ევროპაში აღიარებულ სტანდარტებს და შემსყიდველს უფლება აქვს მოითხოვოს შესაბამისი სერთიფიკატი მშენებლობის პროცესში გამოყენებულ მასალებზე და მოწყობილობებზე.
- 5.1.3. უზრუნველყოს სარემონტო ადგილზე საჭიროების შემთხვევაში დამცავი გამაფრთხილებელი ნიშნების დაყენება. სარემონტო ადგილზე დაცული უნდა იყოს უსაფრთხოების წესები; სამუშაოების პროცესში შემსრულებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტერის გავლენა.
- 5.1.4. სამუშაოები შეასრულოს იმგვარად, რომ არ შეფერხდეს შემსყიდველი ორგანიზაციის ნორმალური ფუნქციონირება.
- 5.1.5. განახორციელოს სამუშაოს შესრულება ტექნიკური დავალებით დადგენილი პირობებისა და წესების, ასევე მოქმედი სამშენებლო სტანდარტების დაცვით;
- 5.1.6. სამუშაოების დაწყებამდე ტერიტორიაზე გადაამოწმოს ადგილზე არსებული მდგომარეობა და ნებისმიერი უზუსტობა აცნობოს შემსყიდველს;
- 5.1.7. სამუშაოს მასშტაბის შესაბამისად, სამუშაოს შესრულება უზრუნველყოს შესაბამისი რაოდენობის, სანდო, სათანადო უნარ/ჩვევების მქონე პერსონალით;
- 5.1.8. საკუთარი ხარჯებით უზრუნველყოს სამშენებლო და სამუშაო ფართის დასუფთავება, ნარჩენების, სამშენებლო ნაგვის მოგროვება და ტერიტორიიდან გატანა;
- 5.1.9. უზრუნველყოს, რომ სამუშაოს შესრულების პროცესში გამოყენებული ყველა ტექნიკური აღჭურვილობა და ინსტრუმენტი იყოს მუშა მდგომარეობაში, მათი ექსპლუატაცია უნდა ხდებოდეს მწარმოებლის მიერ განსაზღვრული წესით. ტექნიკური აღჭურვილობის და ინსტრუმენტის ექსპლუატაციისას დაუშვებელია არაქარხნული (კუსტარული) წესით დამზადებული დეტალის ან/და სათადარიგო ნაწილის გამოყენება;
- 5.1.10. უზრუნველყოს სამუშაოს შესრულების პროცესში ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირის მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება;
- 5.1.11. აილოს სრული პასუხისმგებლობა ტექნიკური დავალებით გათვალისწინებული რომელიმე ვალდებულების დარღვევის შემთხვევაში, აღნიშნულის შედეგად წარმოშობილ ზიანზე. მიმწოდებელმა უნდა უზრუნველყოს, მომსახურების გაწევის პროცესში, მიმწოდებლის მიზეზით (მ/შ გაუფრთხილებლობით), შემსყიდველისთვის ან/და მესამე პირისთვის მიყენებული ზიანის სრული ანაზღაურება საკუთარი ხარჯით;
- 5.1.12. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 5.1.13. წინასწარ, წერილობით, შეუთანხმოს შემსყიდველ ორგანიზაციას სამუშაოების განხორციელების კალენდარულ გეგმა-გრაფიკში ნებისმიერი სახის ცვლილება;
- 5.1.14. უზრუნველყოს ხელშეკრულების მე-6 მუხლით გათვალისწინებული კონტროლის განხორციელების შედეგად გამოვლენილი ნაკლის აღმოფხვრა (ტრანსპორტირების ჩათვლით), მათ შორის წუნდებული შესყიდვის ობიექტის შეცვლა ახლით, საკუთარი ხარჯებით, ხელშეკრულების მოქმედების განმავლობაში, ასეთი ნაკლის შესახებ შემსყიდველის მიერ მიმწოდებლისათვის შესაბამისი წერილობითი შეტყობინებიდან (მათ შორის ელექტრონული საკომუნიკაციო საშუალების გამოყენებით) გონივრულ ვადაში, მაგრამ არაუგვიანეს 10 სამუშაო დღისა;
- 5.1.15. აუცილებლობის შემთხვევაში, დაზიანებების თავიდან აცილების მიზნით, უზრუნველყოს სარემონტო ტერიტორიაზე არსებული ინვენტარის გადაადგილება ან/და შეფუთვა, ხოლო რემონტის დასრულების შემდგომ საწყის მდებარეობის ადგილზე დაბრუნება. მიმწოდებელი სრულად აგებს პასუხს მათი დაზიანების შემთხვევაში;
- 5.1.16. განახორციელოს ამ ხელშეკრულებით მასზე დაკისრებული სხვა ვალდებულებები.

5.2. „შემსყიდველი“ ვალდებულია:

- 5.2.1. ხელშეკრულებით დადგენილ ვადაში გადაიხადოს შესყიდვის ობიექტის ღირებულება;
- 5.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

6. ინსპექტირების პირობები

- 6.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შემსყიდველი ორგანიზაციის ხელმძღვანელის ბრძანებით განსაზღვრული უფლებამოსილი პირები, ხოლო ტექნიკურ ზედამხედველობა შეიძლება განახორციელოს შემსყიდველის მიერ მოწვეული ექსპერტი (საექსპერტო ჯგუფი).

6.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, პერიოდულად ჩაატაროს ხარისხის კონტროლი და თუ აღმოჩნდება წუნი შესრულებულ სამუშაოში მიმწოდებელი ვალდებულია შემსყიდველის მიერ წერილობით დადგენილ ვადებში გამოსასწოროს წუნი.

6.4. ხელშეკრულების მიმდინარეობის კონტროლის მიზანს წარმოადგენს:

6.4.1. შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენა;

6.4.2. შესაბამისი შემოწმების აქტის საფუძველზე შესყიდვის ობიექტის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა.

6.4.3. ხელშეკრულების პირობების შესაბამისად, მიმწოდებლის მიერ წარმოდგენილი დოკუმენტების საფუძველზე, ხელშეკრულებით ნაკისრ ვალდებულებ(ებ)ზე ზედამხედველობის განხორციელება.

6.5. კონტროლის განხორციელების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.

7. შესყიდვის ობიექტის მიღება-ჩაბარების წესი

7.1. შემსყიდველის მიერ სამუშაოს ან მისი ნაწილის მიღება ხორციელდება შემსყიდველი ორგანიზაციის ხელმძღვანელის ბრძანებით განსაზღვრული უფლებამოსილი პირების (კომისიის ან/და ჯგუფის) მიერ, მიმწოდებლის მიერ მოწვეული ექსპერტის (საექსპერტო ჯგუფის) მიერ დადასტურებული ფორმა N2-ის საფუძველზე.

ამასთან, სამუშაოს ან მისი ნაწილის შესრულების თარიღად ჩაითვლება „შესრულებული სამუშაოების აქტში“ მითითებული თარიღი, დადასტურებული ტექნიკური ზედამხედველის მიერ.

7.2. მიმწოდებლის მიერ ხელშეკრულებით ნაკისრი ვალდებულებების როგორც ეტაპობრივი (შუალედური), ისე საბოლოო შესრულება დასტურდება მხარეთა შორის შედგენილი მიღება-ჩაბარების აქტის გაფორმების გზით. ამასთან, ყოველი ეტაპისთვის მიმწოდებელს შესრულებული უნდა ჰქონდეს არანაკლებ 70,000.00 (სამოცდაათი ათასი) ლარის სამუშაოები (გარდა საბოლოო ეტაპისა).

7.3. 7.2. პუნქტით გათვალისწინებული ეტაპობრივი და შემაჯამებელი/საბოლოო მიღება-ჩაბარების აქტის გაფორმებისათვის მიმწოდებელი ვალდებულია წარუდგინოს შემსყიდველს სამუშაოების შესრულების დასადასტურებლად საჭირო ინფორმაცია და სსიპ "ლევან სამხარაულის სასამართლო ექსპერტიზის ეროვნული ბიუროს" ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ მომზადებული შესაბამისი ხარისხისა და მოცულობის საექსპერტო დადებითი დასკვნა (დასკვნა წარმოდგენილ უნდა იქნეს სამუშაოების შესრულების ვადაში, მიმწოდებლის სახსრებით).

7.3. „შემსყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭება ხელშეკრულების 6.1 პუნქტის შესაბამისად უფლებამოსილ პირ(ებ)ს.

8. ანგარიშსწორება

8.1. ანგარიშსწორება განხორციელდება ეტაპობრივად, ფაქტობრივად შესრულებული სამუშაოს მოცულობების მიხედვით, მიმწოდებლის მიერ წარმოდგენილი საგადასახადო ანგარიშ-ფაქტურის და ხელშეკრულების მე-7 მუხლით დადგენილი წესით გაფორმებული მიღება-ჩაბარების აქტის საფუძველზე, აღნიშნული საანგარიშსწორებო დოკუმენტაციის წარმოდგენიდან 10 (ათი) სამუშაო დღის განმავლობაში, უნაღდო ანგარიშსწორებით, ეროვნულ ვალუტაში - ლარში, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით. მიმწოდებლის მიერ საანგარიშსწორებო დოკუმენტაციის წარმოდგენილობის შემთხვევაში, შემსყიდველს უფლება აქვს უარი თქვას ანგარიშსწორებაზე.

8.2. თუ მიმწოდებელს ხელშეკრულების პირობების შეუსრულებლობისათვის დაკისრებული აქვს პირგასამტეხლოს თანხა ან ფიქსირდება ურთიერთშეუსაბამობა საანგარიშსწორებო დოკუმენტაციაში ან ხელშეკრულებით გათვალისწინებულ პირობებთან - ანგარიშსწორება ხორციელდება 8.1 პუნქტით გათვალისწინებულ ვადებში მას შემდეგ, რაც წარმოდგენილი იქნება პირგასამტეხლოს სრულად გადახდის დამადასტურებელი დოკუმენტაცია საანგარიშსწორებო დოკუმენტაციასთან ერთად ან წარმოდგენილი იქნება კორექტირებული საანგარიშსწორებო დოკუმენტაცია. ანგარიშსწორება განხორციელდება ხაზინაში რეგისტრირებული ვალდებულების ფარგლებში.

9. პირგასამტეხლო ხელშეკრულების პირობების შეუსრულებლობისათვის

9.1. მიმწოდებლის მიერ ხელშეკრულების 4.1. 5.1.14 და 11.2 პუნქტებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ გადაგადაცილებულ სრულ/არასრულ დღეზე შესასრულებელი ვალდებულების **0.2%-ის** ოდენობით.

იმ შემთხვევაში თუ მიმწოდებლის მიერ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს **ხელშეკრულების ღირებულების 5%**, მაშინ შემსყიდველს უფლება აქვს გავიდეს ხელშეკრულებიდან და მოსთხოვოს მიმწოდებელს გასვლის მომენტისთვის გადასახდელი პირგასამტეხლოს ანაზღაურება.

9.2. მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში, გარდა ხელშეკრულების 9.1. და 9.3. პუნქტებით გათვალისწინებული შემთხვევებისა, მიმწოდებელს დაეკისრება პირგასამტეხლო, ყოველ ასეთ შემთხვევაზე შეუსრულებელი ვალდებულების **5%-ის ოდენობით**.

იმ შემთხვევაში, თუ მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს **ხელშეკრულების ღირებულების 2%**, მაშინ შემსყიდველს უფლება აქვს გავიდეს ხელშეკრულებიდან და მოსთხოვოს მიმწოდებელს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.3. მიმწოდებლის მიერ ხელშეკრულების ნაწილობრივი შესრულების შემთხვევაში, ხელშეკრულების დამრღვევ მხარეს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების **10%-ის ოდენობით**.

9.4. მიმწოდებლის მიერ ხელშეკრულების პირობების შეუსრულებლობის შემთხვევაში ხელშეკრულების დამრღვევ მხარეს დაეკისრება პირგასამტეხლო ხელშეკრულების ღირებულების **20%-ის ოდენობით**.

9.5. მიმწოდებლის მიერ საანგარიშსწორებო დოკუმენტაციის სრულად წარმოდგენის შემდგომ, შემსყიდველის მიერ ხელშეკრულების 8.1. პუნქტით გათვალისწინებული ვადის დარღვევის შემთხვევაში შემსყიდველს დაეკისრება პირგასამტეხლო გადასახდელი თანხის 0.02% ოდენობით ყოველ ვადაგადაცილებულ დღეზე, გარდა იმ შემთხვევისა, როდესაც ვადის დარღვევა გამოწვეულია სახელმწიფო ხაზინის ან მიმწოდებლის ბანკის ბრალეულობით.

9.6. მიმწოდებლის მიერ პირგასამტეხლო გადახდილი უნდა იქნეს შეტყობინების მიღებიდან არაუგვიანეს მე-2 სამუშაო დღისა. პირგასამტეხლოს (დავალიანების) არასრულად გადახდის შემთხვევაში მიმწოდებელს საგადახდო დავალების თარიღის დღიდან კვლავ ეკისრება ამ მუხლით გათვალისწინებული თითოეული სანქციის მიხედვით გათვალისწინებული პირგასამტეხლოს გადახდის ვალდებულება დავალიანების სრულად დაფარვამდე, რომლის ოდენობასაც მიმწოდებელი თავად ანგარიშობს გადახდის დღის ჩათვლით.

9.7. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

9.8. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა, ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს ხელშეკრულების თავდაპირველი ღირებულების 10%-ის ფარგლებში, სხვა რისკებს იღებს მიმწოდებელი.

10.4. მიმწოდებლის მიერ ხელშეკრულების პირობების შეუსრულებლობისას, აგრეთვე იმ შემთხვევაშიც თუკი შესყიდვის ობიექტის მიწოდების ვადის დადგომამდე გონივრულ ვადაში შემსყიდველისათვის ცნობილი გახდება მიმწოდებლის მიერ ხელშეკრულებით ნაკისრი ვალდებულების შესრულების შეუძლებლობის შესახებ, მაშინ შემსყიდველი ორგანიზაცია უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მიმწოდებელს გონივრულ ვადაში, მაგრამ არაუგვიანეს 2 (ორი) კალენდარულ დღეში, წერილობით ან კომუნიკაციის ელექტრონული საშუალებების გამოყენებით. ამასთანავე, მიმწოდებელს ეკისრება 9.4 პუნქტით გათვალისწინებული პირგასამტეხლოს გადახდის ვალდებულება.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

11. გარანტია

11.1. მიმწოდებლის მიერ შესრულებულ სარეკონსტრუქციო სამუშაოებზე და ელ. გაყვანილობის მოწყობაში გამოყენებული სადენებზე საგარანტიო ვადა უნდა შეადგენდეს საბოლოო მიღება-ჩაბარების აქტის გაფორმების დღიდან - _____ წელს, სამღებრო სამუშაოებზე - _____ წელს, ხოლო ყველა სხვა სახის სარემონტო სამუშაოსა და გამოყენებულ მასალებზე - _____ წელს.

11.2. საგარანტიო პერიოდის განმავლობაში, ექსპლუატაციის პირობების დაცვის პირობებში, დეფექტის ან ხარვეზის აღმოჩენის შემთხვევაში მიმწოდებელი ვალდებულია გამოვლენილი დეფექტი გამოასწოროს შემსყიდველთან შეთანხმებულ გონივრულ ვადაში, მაგრამ არაუგვიანეს 20 სამუშაო დღისა, თავისი ხარჯებით, შემსყიდველის მხრიდან რაიმე დანახარჯის გაწევის გარეშე.

11.3. მიმწოდებლის მიერ აღნიშნული ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება

12. დავები და მათი გადაწყვეტის წესი

12.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

12.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

13. ხელშეკრულების შესრულების უზრუნველყოფის გარანტია

13.1. ხელშეკრულების შესრულების უზრუნველყოფის გარანტიის ოდენობა შეადგენს

13.2. ხელშეკრულების უზრუნველყოფის გარანტიის მოქმედების ვადა არანაკლებ 60 დღით უნდა აღემატებოდეს ხელშეკრულების მოქმედების ვადას.

13.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, აგრეთვე ნაწილობრივი ან არაჯეროვანი შესრულების მიზეზით ხელშეკრულების შეწყვეტის შემთხვევაში, შემსყიდველი უფლებამოსილია განახორციელოს საბანკო გარანტიის სრული ოდენობით გამოყენება

13.4. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი მიღება-ჩაბარების აქტის გაფორმებიდან 1 (ერთი) კვირის ვადაში მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების საბანკო გარანტიის დაბრუნებას.

მუხლი 14. ფორს-მაჟორი

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

14.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

მუხლი 15. სხვა პირობები

15.1. შემსყიდველის მხრიდან წინამდებარე ხელშეკრულებაზე ხელმოწერი პირი და ასევე კონტროლის განმახორციელებელი პირ(ებ)ი ადასტურებენ, რომ მიმწოდებლის მიმართ სრულად აკმაყოფილებენ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

15.2. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი გადაეცემა შემსყიდველს, ხოლო მეორე მიმწოდებელს.

15.3. წინამდებარე ხელშეკრულება ძალაშია და მოქმედებს საგარანტიო მომსახურების ნაწილში ხელშეკრულების მე-13 მუხლით განსაზღვრული ვადების შესაბამისად, ხოლო სხვა დანარჩენ ნაწილში - ხელშეკრულების თავში მითითებული ვადების მიხედვით.

16. ხელშეკრულების მოქმედების ვადა

16.1. ხელშეკრულების მოქმედების ვადაა ხელშეკრულების გაფორმებიდან 2019 წლის ----- ჩათვლით, გარდა წინამდებარე ხელშეკრულების მე-11 მუხლით გათვალისწინებული შემთხვევისა.

შემსყიდველი:

მიმწოდებელი: